

崛_下_正峨_{音我}反_可摩_反許_爲從容_容反_澍_音空拳
真反譏居依反駛史蔽必祭塔然謂亡他合反解也玫瑰梅四二字下又古回反火齊珠燒消子反擴俱猛惡也欺調吊反拷考迭更途也鬻余鹽味蚊蚋下而音文賣也鹹鹵咸魯二字其地不生草木

大乘大悲分陀利經卷第六

駒八

失譯師名附 秦錄

歎品第十八

善男子爾時國大師海濟婆羅門住寶藏如來前乾闥婆世人前立如是具大悲五百願而白佛言世尊若我如是意不滿不於來世

熊

賢劫五濁重結散亂惡世冥時盲無導師無引導師爲見所困長處冥造無間者乃至如前所說若我不能具成如是佛事如我立願者我當還捨菩提願非餘利中善根迴向世尊是我所欲我亦不欲此善根迴向阿耨多羅三藐三菩提不求辟支佛乘亦不求聲

聞乘亦不求人天王位亦不求五欲供具生天之樂又亦不求乾闥婆阿脩羅夜叉羅刹龍迦樓羅亦不求人中生我不於如是等處善根迴向世尊雖說施得大富持戒生天多聞大慧修行無異世尊又說福德生善根迴向隨意皆告世尊我所作施戒聞修福德若我如是立願意不滿者我以是一切善根迴向地獄衆生其有衆生在阿鼻地獄受諸苦切者以是善根令彼得脫於此佛土得生爲人值如來法令得羅漢而入涅槃若彼衆生業果不盡令我今命終生阿鼻大地獄中令我一形分爲佛土微塵數身令此一一身大如須彌山王令一一身覺如是苦痛如我一身覺苦痛甚令我一一身受佛土微塵數地獄苦切又今現在佛土微塵數十方餘世界中衆生造無間業乃至造作入阿鼻業又復於後乃至過佛土微塵數大劫中於十方佛土微塵數餘佛國中及此佛土衆造無間業

者我當爲彼一切衆生故住阿鼻地獄受彼罪業令彼衆生不墮地獄求與苦別值遇諸佛得度生死入涅槃城我當於余所久遠住阿鼻獄度脫衆生乃至如是於十方佛土微塵數餘佛刹中衆生有造如是業應生燒炙地獄者乃至如前所說如是大燒炙啼哭大

啼哭刀劍黑繩還活等種種畜生中作如是說餓鬼中亦作是說夜叉貧窮中亦作是說如是鳩槃茶毗舍遮阿脩羅迦樓羅亦作是說於佛土微塵數十方餘世界中衆生造起如是業應生人中聾盲瘡癰殘百病手足不具心意散亂應食不淨略如前說我當復

勸八

還生阿鼻大地獄中乃至隨幾所時衆生於生死中受陰界入我當於余所時久遠受如是種種地獄畜生餓鬼夜叉阿脩羅羅刹乃至人苦如是諸苦我當受之如前所說我若如是阿耨多羅三藐三菩提意不滿設復我如是阿耨多羅三藐三菩提意滿者乃至如

前所說令十方無量阿僧祇餘世界中現在住世說法諸佛世尊證我是事唯願世尊授我阿耨多羅三藐三菩提記於彼賢劫百二十歲世人中我爲如來應供正遍知明行足善逝乃至佛世尊我能成辦如是佛事如我所立誓耶余時一切大衆天龍夜叉乾闥婆阿脩羅及諸世人住在虛空及住地者唯除如來彼一切無不墮淚皆以五體禮婆羅門足同聲讚言善哉善哉大悲得深妙法念於衆生發深大悲立深大願如仁立願以至意大悲覆一切衆生又能攝度造無間業乃至集不善根以是願故知仁是初發心於阿耨多羅三藐三菩提爲衆生良藥安濟歸趣爲脫衆生苦故立願仁如是意必當得滿如來正余授仁者阿耨多羅三藐三菩提記余時無量淨王帝泣兩淚五體禮婆羅門足叉手合掌以偈讚曰

奇哉甚深妙 乃能不著樂 懇傷哀衆生

勸八

三

爲我等現寶

略說時觀世音菩薩以偈讚曰

自無所著著衆生 繼根逸馬已調伏

仁於諸根得自在 仁當揔持智慧藏

時大勢至菩薩以偈讚曰

是多億衆生 爲善故來集 聞仁悲墮淚

異哉甚難事

時曼殊師利菩薩以偈讚曰

精進誓堅固 妙慧甚明了 仁亦應受供

塗香及華鬘

時虛空印菩薩以偈讚曰

仁如是行施 大哀愍衆生 濁時仁爲濟

具三十二相

斷金剛慧照明菩薩以偈讚曰

如虛空無邊 仁哀亦如是 爲衆生津梁

今現菩提行

虛空照明菩薩以偈讚曰

更無愍衆生 唯除諸如來 仁者功德具

妙慧心甚明

師子香菩薩以偈讚曰

妙士於來世 亂結賢劫中 當得大稱譽

度脫衆生苦

普賢菩薩以偈讚曰

勤樂生死嶮 處於邪曠野 能取燋枯意

食肉飲血者

阿閦菩薩以偈讚曰

墜於無明闇 沒在結使淵 能取燋枯意

造無間業者

香手菩薩以偈讚曰

仁見來世畏 如照鏡觀像 能取燋枯意

誅謗正法者

寶積菩薩以偈讚曰

智戒二俱等 懈哀自瓊珞 能取燋枯意

誹謗賢聖者

無恐畏菩薩以偈讚曰

仁見苦衆生 於來世三界 能取燋枯意

依邪忘失者

華手菩薩以偈讚曰

愍哀智精進 於此衆爲最 能取燋枯意
老病死遍者

智稱菩薩以偈讚曰
多病之所逼 使風塵充遍 滔以智慧水

仁願甚堅固
月曼菩薩以偈讚曰
智藏稱讖等 立願淨無垢 仁行菩提行
見力菩薩摩訶薩悲泣墮淚五體禮婆羅門
足以叉手合掌以偈讚曰

駒八

五

降伏衆魔兵
持印菩薩以偈讚曰

我等進不堅 能解脫獨結 如大德梵師

降伏諸結力

華月菩薩以偈讚曰

精進力堅固 如德哀愍意 名稱遍三界

當割生死縛

無垢王菩薩以偈讚曰

仁今說大悲 観示菩薩行 我等今禮仁

哀愍無過者

持大力菩薩以偈讚曰

結病惡世中 仁修苦提行 當斷諸結根

應時大地震動周匝十方佛刹微塵數佛土
普極震動屹蹶涌沒悉極傾搖復現大光明
兩種種華兩所謂曼陀羅摩訶曼陀羅乃至
無量光降如是華兩於十方佛土微塵數世
界中所有諸佛世尊現在住世淨佛刹中及
不淨刹爲衆生說法其諸菩薩摩訶薩於諸

佛所坐聽法者彼諸菩薩摩訶薩見地大動雨大華雨令彼諸菩薩摩訶薩問彼諸佛世尊何因何緣世地大動降大華雨於時東方去此佛土過一恒河沙數佛刹有世界名寶集佛号寶月如來應供正遍知乃至佛世尊現在住世無量阿僧祇諸菩薩衆

圍達演法純說大乘彼佛國有菩薩摩訶薩一名寶勝二名月勝彼二菩薩摩訶薩向寶月如來又手合掌白寶月如來言唯世尊何因何緣世地大動降大華雨寶月如來告善男子西方去此佛土過一恒河沙數世界有佛土名刪提蘭佛号寶藏如來乃至佛世尊現在住世授多億菩薩阿耨多羅三藐三菩提記說菩薩境界現刹願莊嚴三昧境界陀羅尼門無難法其有一大悲菩薩摩訶薩立如是願具說大悲爲授菩薩摩訶薩阿耨多羅三藐三菩提記現如是願眼令多億衆生立菩薩願取莊嚴佛土攝度衆生於彼一切

是大菩薩具足大悲彼諸大衆無能及者能取五濁亂結惡土一切世間乃至集不善根心意燋枯而攝度之彼諸大衆天龍乾闥婆阿脩羅世人捨供養寶藏如來盡皆供養最後大悲五體禮訖以手合掌衆妙偈讚彼摩訶薩坐如來前而聽授記如彼摩訶薩於如

駒八

六

來前右膝著地時彼如來應時微笑令十方佛刹微塵數世界地極震動降大華雨爲悟彼刹一切菩薩摩訶薩故爲現大悲菩薩願行故爲集十方佛刹微塵數世界中菩薩摩訶薩故爲說菩薩摩訶薩誓願行無畏法門故彼如來現是神通善男子彼二菩薩問寶月如來世尊彼大悲菩薩摩訶薩發心幾時彼摩訶薩修菩薩行幾時能取五濁重結亂世造無間業乃至集不善根心意燋枯而取度之寶月如來告言善男子彼大悲適始初發阿耨多羅三藐三菩提心善男子汝等可往刪提蘭佛刹奉覲恭敬親近寶藏如來應

供正遍知聽說誓願行無畏法門又以吾言致問於彼大悲菩薩摩訶薩如我辭曰善丈夫寶月如來致問於汝以是月樂無垢華與汝爲信又言善哉汝善丈夫如是初發心汝大悲音聲充遍十方佛刹微塵數餘世界中得大悲名是故善哉於汝又汝善丈夫爲將

來具大悲菩薩摩訶薩立大悲音願眼幢是故善哉於汝又汝善丈夫當來佛土微塵數阿僧祇劫名稱流布十方佛土微塵數世界中又汝勸化多億那由他百千衆生於阿耨多羅三藐三菩提皆住其中將詣佛所住不退轉阿耨多羅三藐三菩提其中願有取佛

駒八

土莊嚴攝度有當得授記是汝所勸化菩提

者彼一切於後乃至佛土微塵數阿僧祇劫佛刹微塵數十方餘世界中彼逮菩提轉正法輪已當稱譽讚歎汝善丈夫以是三事故善哉於汝余時九十二億菩薩同聲白言出尊我等欲往刪提蘭佛土奉見恭敬親近彼

寶藏如來應供正遍知并見彼善丈夫所可如來以三事善哉又以此月樂無垢華與善男子時寶月如來告言往善男子今正是時汝等至彼寶藏如來所聽說誓願行無畏法門時彼寶勝月勝菩薩摩訶薩從寶月如來所受月樂無垢華與九十二億菩薩俱發寶集世界譬如電頃如是彼菩薩衆於寶集出界忽然不現至此刪提蘭佛土閻婆羅園到寶藏如來所至心頭面禮寶藏如來足以種種菩薩神通供養已見婆羅門在寶藏如來前一切大衆叉手合掌稱譽讚歎彼諸菩薩生如是念是彼具大悲者所可寶月如來與此月樂無垢華者彼二菩薩摩訶薩於世尊所迴向婆羅門以華與之而作是言汝善丈夫彼寶月如來以此月樂無垢華又言善哉乃至如前所說略說東方無量阿僧祇諸世界中菩薩摩訶薩來至刪提蘭佛土與月樂無垢華俱彼現在世諸佛世尊皆爲婆羅

門以華爲信又以三事善哉如前所說

南方去此佛刹過九十七億那由他百千佛土有世界中佛号師子奮迅勝自在王如來應供正遍知現在住世純爲菩薩摩訶薩說大乘法時彼衆中有二菩薩摩訶薩一名智金剛勝二名師子金剛勝彼二菩薩摩訶薩

問師子奮迅勝自在王如來世尊何因何緣

世地大動降大華雨乃至如前所說略說南方無量阿僧祇餘佛土中無量阿僧祇億那由他百千菩薩來此刪提蘭佛土乃至如前所說

余時西方去此佛土過八十九億那由他百

駒八

千佛刹有世界名上勝其佛号降伏根廣長明如來現在住世爲四衆說三乘法時衆中有二菩薩一名賢顯明菩薩摩訶薩二名師子奮迅身菩薩摩訶薩彼二善男子問降伏根廣長明如來此義世尊何因何緣此地大動降大華雨乃至如前所說

駒八

余時上方去此佛土過二百千佛刹有世界名等華其佛号華敷照明如來乃至佛世尊現在住世普爲四衆說三乘法彼佛土中有二菩薩摩訶薩時在座中一名自執境界無怒二名悅持無怒彼二善男子問華敷照明如來世尊何因何緣世地大動降大華雨華

九

余時北方去此佛土過九十億那由他百千佛刹有世界名紫磨其佛号世自在王如來應供正遍知乃至佛世尊純爲求大乘菩薩說摩訶衍法衆中有二菩薩摩訶薩一名不動處二名慧財彼二菩薩問世自在王如來世尊何因何緣世地大動降大華雨乃至如前所說

余時下方去此佛土過九十八那由他佛刹有世界名無闇真其佛号無畏近處音如來現在住世普爲四衆說三乘法彼佛土中有二菩薩摩訶薩一名潤疾顯明二名空疾顯明乃至如前所說

敷照明如來告言善男子下方去此佛土過二百千佛刹有世界名刪提蘭其佛号寶藏如來乃至佛世尊現在住世說法授多億衆阿耨多羅三藐三菩提記說菩薩境界現刹願境界莊嚴三昧境界陀羅尼門無難法衆中有一大悲菩薩摩訶薩立如是願具說

大悲行授菩薩摩訶薩阿耨多羅三藐三菩提記現如是願眼令多億菩薩立願取佛土莊嚴攝度衆生彼具大悲菩薩於一切衆中無能及者取彼五濁亂結惡世造無間業乃至集不善根心意燋枯而攝度之彼一切大衆天乾闥婆阿脩羅世人捨供養寶藏如來盡以供養於彼大悲五體禮已合掌而住稱譽讚彼摩訶薩坐寶藏如來前而聽授記如彼摩訶薩於如來前右膝著地應時世尊而現微笑令十方佛土微塵數世界中大地六種震動降大華雨爲覺悟彼諸佛土中菩薩摩訶薩故爲現大悲菩薩願行故爲集十方佛

土微塵數餘世界中善薩摩訶薩故爲說告薩摩訶薩誓願行門無畏法故是故彼如來現如是神通善男子彼二菩薩摩訶薩自執境界無惱悅持無惱問彼華敷照明如來世尊彼大悲菩薩摩訶薩發菩提心幾時彼大悲菩薩行菩薩行來幾時乃能取五濁惡世亂結重時造無間者乃至集不善根心意燋枯而攝度之華敷照明如來告言善男子彼大悲適始初發阿耨多羅三藐三菩提心善男子汝等可至刪提蘭世界奉見恭敬親近寶藏如來應供正遍知聽誓願行門無畏法以吾言致問於彼具大悲菩薩摩訶薩作如是言善男子華敷照明如來致問於汝遣此月樂無垢華爲信又與汝善哉汝善丈夫如是初發心大悲名聲流布十方佛土微塵數餘世界中得大悲名是故善丈夫歎汝善哉又汝善丈夫乃能爲後具大悲求菩薩摩訶薩汝以大悲之意立願眼幢是故善丈夫

歎汝善哉又汝善丈夫於當來世佛土微塵數阿僧祇劫名稱周遍佛土微塵數十方餘世界中又汝善丈夫勸化多阿僧祇億那由他百千衆生於阿耨多羅三藐三菩提皆住其中將至世尊所得不退轉阿耨多羅三藐三菩提其中有從世尊所願取莊嚴佛土以

大悲光遍覆所度衆生而攝取之是汝所化阿耨多羅三藐三菩提衆生未得受記者彼亦於後當得受記彼一切於後乃至佛土微塵數阿僧祇劫於十方佛土微塵數餘世界中當得成佛轉正法輪已當讚歎稱譽汝以是三事故汝善丈夫甚爲善哉爾時多億菩薩同聲白言世尊我等亦欲至彼刪提蘭佛土奉見恭敬親近寶藏如來應供正遍知及見彼善丈夫所可如來以三事善哉以此月樂無垢華爲信者善男子時彼華敷照明如來告言往昔善男子宜知是時善男子汝等於彼寶藏如來所聽說誓願行門無畏法善男

子爾時彼二菩薩自執境界無怒悅持無怒從彼華敷照明如來所取月樂無垢華與多億菩薩俱發彼等華佛土勿然不現一念之頃至此刪提蘭佛刹閻婆羅園詣寶藏如來所爾時一切刪提蘭佛土充滿如是大乘菩薩求辟支佛乘求聲聞乘善男子等天乃至摩訶薩

駒八

十一

眼勒譬如甘蔗竹葦稻麻叢林成熟充滿如是於爾時此刪提蘭佛土取大乘善男子乃至摩眼勒充滿其中彼諸菩薩頭面禮寶藏如來足以種種誓力菩薩神通供養已彼諸菩薩亦寶藏如來前見婆羅門又見一切大衆合掌而住稱譽讚歎彼諸菩薩生如是念是彼大悲摩訶薩所可華敷照明如來與此月樂無垢華者彼諸菩薩從寶藏如來所迴向婆羅門以願月樂無垢華與之而作是言善丈夫華敷照明如來以是願月樂無垢華與汝爲信善丈夫與汝善哉乃至如前所說以三事善哉又諸華雨空佛土中以種種

善聲充滿彼諸空佛刹中謂佛聲法聲僧聲滅聲無爲聲波羅蜜聲根力聲無畏聲通聲無行聲無生聲無滅聲靜聲寂聲慄怕聲大慈聲大悲聲無生法聲受職聲登地聲純說摩訶衍聲彼種種華雨以是善聲遍滿彼諸空佛土中又於彼空佛土中有大神通及威

德於深得自在諸菩薩隨本願爲度衆生故在其中者彼聞是聲已承佛威神隨本願以爲誓力於彼發神通速疾猶若壯士申臂之頃如是彼諸菩薩發空佛刹至此刪提蘭佛土彼諸菩薩以種種菩薩神通供養寶藏如來說并供養彼諸大衆已隨所得處各坐聽法

大乘大悲分陀利經大師授記品第二十

善男子尔時海濟婆羅門國大師以彼月樂無垢華供養寶藏如來已白佛言惟願世尊授我阿耨多羅三藐三菩提記善男子時寶藏如來即入三昧名曰電燈以是三昧令一切刪提蘭佛刹變成七寶一切山林樹木瓦

礫及地盡現七寶隨彼衆生所可助善思惟坐聽法者隨應現身其中有身現青有黃有綠有紫有赤有黑有白有現如風有現如火有現如空有現如野馬有現如水有現如沫有現如山有現如梵有現如釋有現如華有現如迦樓羅有現如龍有現如師子有現如

第十八

十二

日有現如月有現如星有現身白骨隨所助善思惟衆生坐聽法者彼如是見自身善男子其中衆生如見自身見寶藏如來身亦復如是善男子時彼大衆見婆羅門國大師於寶藏如來前七寶千葉華臺上坐善男子其中衆生有於地坐止空中者彼一一衆生如是見寶藏如來在我前坐盡意視我爲我說法善男子爾時寶藏如來應供正遍知讚海濟婆羅門言善哉善哉大悲大婆羅門汝亦大悲爲饒益照世過數衆生故出現婆羅門譬如成好華刹種種色種種香種種觸種種葉種種莖種種根種種德悉是良藥其中有

華香色照徹百由旬中有二百由旬有三百由旬略說於中有華香色乃至照徹四天下世界其中衆生聞彼華香盲者得視聾者得聽乃至諸根不具悉得成就其有衆生四百四病之所困者彼聞香已身病即除其中衆生有狂癲錯亂失志者彼聞華香逮得本心

是華刹中有一分陀利出是堅固金剛琉璃爲莖而有百子黃金爲葉碼碭爲鬚臺赤真珠高八十四百千由旬縱廣正等百千由旬是分陀利香色光徹照遍十方佛刹微塵數世界中婆羅門於彼十方佛刹微塵數世界中衆生四大不和身病所困諸情不具狂癲

鉢八

十一

錯亂失志心者彼諸衆生見分陀利光聞其香已一切患除逮得本心其有衆生久死骨節未離分陀利光照彼骸骨香熏觸已彼諸骸骨尋皆得活平復還起見諸親屬與彼俱遊入園嬉戲五欲自娛聚會中止從彼終已皆生梵處於中久住壽命無量彼間終已不

生餘處婆羅門如彼成華刹如此大衆如日初出諸華敷舒香色顯現有高百由旬乃至有高千由旬爲多衆生除種種病如是汝善丈夫我爲如來慧日出世警如日出光照諸華皆悉敷舒光色明淨除滅衆生種種病惱善丈夫吾今出世亦復如是以悲光明遍覆衆生啓發衆生先造善根又以三福地立衆生汝亦勸化無量阿僧祇衆生於阿耨多羅三藐三菩提令住其中將至我所彼諸衆生皆於我前各各立願隨取佛土有取淨土有取不淨我亦隨授彼記善丈夫彼有菩薩在於我所取淨佛土淨意易化已種善根衆生而攝度之是名菩薩摩訶薩彼無大丈夫行於心意中亦無大悲彼諸菩薩不爲悲一切衆生故求阿耨多羅三藐三菩提所可取淨佛土捨棄困厄有菩薩求聲聞辟支佛乘衆生佛土彼諸菩薩意無善智有立如是願我等當於無聲聞辟支佛無集不善根無女人

無地獄畜生餓鬼佛土中得成阿耨多羅三藐三菩提聲聞辟支佛但為求大乘菩薩純說摩訶衍法求我遠菩提已得長壽命久住多劫為淨意易化諸善根衆說法是故彼諸菩薩意無善智是故不名摩訶薩也善男子時寶藏如來伸臂於五指端種種無量色無

量百千色光彼諸光明照於東方無量阿僧祇佛土於彼有世界名鳩崛吒其世界中人壽三十歲顏色醜惡無慚無愧集不善根身長三肘其中佛号月明如來應供正遍知現在住世為諸四衆說三乘法善男子此諸大衆見彼佛土如來及諸衆生寶藏如來普告

第十八

十四

大衆言彼月明如來過去無量阿僧祇劫於寶蓋照踊如來前初發阿耨多羅三藐三菩提心亦勸化多億那由他衆生於阿耨多羅三藐三菩提令住其中隨彼衆生於寶蓋照踊如來前立願取佛土莊嚴有取淨土有取不淨五濁於中彼摩訶薩初勸我阿耨多羅

第十八

十五

三藐三菩提我於彼寶蓋照踊如來前立阿耨多羅三藐三菩提願取此五濁佛土莊嚴時彼如來歎我善哉授我阿耨多羅三藐三菩提記善丈夫時善知識勸我菩提者彼自立願取極重結五濁惡土造無間業乃至集不善根心意熾枯墮在生死曠野衆生取而

攝度尔時於彼十方無量阿僧祇餘世界中現在住世諸佛世尊為彼遣使亦致善哉即為立字名善大悲照明彼大悲照明菩薩摩訶薩是我善知識饒益於我成佛未久今在鳩崛吒世界三十歲世人中轉正法輪彼亦遠菩提已於十方無量阿僧祇世界中現在住世諸佛世尊遣使供養是彼先初勸化阿耨多羅三藐三菩提令住其中者是彼先所勸化檀波羅蜜乃至般若波羅蜜令住其中者彼諸佛世尊知念先恩遣信與彼如來婆羅門汝觀彼諸佛世尊於佛土長壽淨意易化衆生而作佛事彼月明如來於如是五濁

國成佛爲無間業乃至集不善根衆生如是
短命中極多作佛事不捨棄聲聞辟支佛而
爲說法如是汝善丈夫此一切菩薩衆無能
及者立願最妙取五濁惡刹造無間業乃至
集不善根而攝度之又彼諸菩薩取淨佛土
除地獄畜生餓鬼捨棄聲聞辟支佛取度淨
意易化已種善根者是諸菩薩名曰如華非
摩訶薩非分陀利有於易化善根熟中作佛
事者婆羅門菩薩有四懈怠何謂爲四一者
立願於淨佛土二者願淨意衆生中而作佛
事三者願逮菩提已不說聲聞辟支佛乘四
者願逮菩提已長壽作佛是爲菩薩四懈怠
地是故彼諸菩薩名曰如華非分陀利非摩
訶薩婆羅門此大菩薩衆其誓言如是除婆由
毗師細取不淨佛土攝度亂結衆生於賢劫
中亦復少有善男子菩薩摩訶薩有四精進
何謂爲四一者願不淨佛利二者願不淨意
衆生中作佛事三者願逮菩提已說聲聞辟

支佛乘四者願逮菩提已壽命處中不長不
短是爲菩薩摩訶薩四精進是故彼諸菩薩
謂如分陀利不似如華是故彼諸菩薩摩訶
薩婆羅門譬如汝今日於無量阿僧祇菩薩
衆中善授別記於如來前大悲分陀利出汝
妙願攝度無間業乃至集不善根取重五濁
佛土善丈夫以汝大悲音故十方佛刹微塵
數諸佛世尊遣使稱汝善哉爲汝立大悲名
又此一切大衆事供養汝汝大悲於當來世
過一恒河沙數阿僧祇於二恒河沙阿僧祇
少餘於彼婆訶佛刹於賢大劫百二十歲世
人老病所困盲冥之中出無導師集不善根
困於邪道曠野衆生造無間業誹謗賢聖非
毀正法犯根罪中乃至如前所說充滿於世
汝爲如來明行足乃至佛世尊轉正法輪降
自在魔伏諸結魔名稱流布十方無量無邊
佛土汝當有大聲聞衆一千二百五十比丘
當於四十五年中如是漸漸具作佛事如所

立願於余時是大王無量淨當名阿彌陀於無量劫中具作佛事如是汝大悲於娑訶佛刹賢大劫百二十歲世人中於四十五年如是成滿大具佛事汝善丈夫當以無上般涅槃後正法住世過千歲正法滅後善丈夫汝色身舍利亦如是作佛事如汝願於余所時化度衆生如前所說

大乘大悲分陀利經大師立誓言品第二十一

善男子余時有梵名螺髻舍婆言汝善丈夫於無量阿僧祇劫中行菩薩行時在所生處我常爲汝給使隨順供奉猶如僮僕於最後身願爲汝父善丈夫汝逮菩提已爲汝第一檀越汝當授我阿耨多羅三藐三菩提記時有女海神名曰調意彼言在所生處乃至最後身我爲汝母生育於汝大悲逮菩提已亦授我阿耨多羅三藐三菩提記時有女地神名水儀彼言在所生處乃至最後身我爲汝母汝逮菩提已授我阿耨多羅三藐三菩提已

授我阿耨多羅三藐三菩提記時有二釋一名親近二名雪思念彼二俱言汝大悲在所生處乃至逮菩提已我等爲汝神足智慧上首聲聞復有一釋名曰善現手彼言大悲在所生處乃至最後身我爲汝子時有山神名曰日臺彼言大悲汝在生處乃至最後身我

駒八

十七

爲汝妻善丈夫汝逮菩提已授我阿耨多羅三藐三菩提記時有阿脩羅名曰剉行彼言大悲汝在所生處於無量阿僧祇劫中善丈夫汝行菩提行時我當與汝作親族善友如奴僕使汝最後身我當供給善丈夫汝逮菩提已轉正法輪初說法時我先證果服法味得甘露乃至除諸結使成阿羅漢略說爾時恒河沙數天龍阿脩羅世人隨順大悲立願受度時有一邪命名曰壞想彼言大婆羅門我爲汝友助成衆事我當所在生處無量阿僧祇劫中爲汝同師友及作親屬又常至汝所爲乞衣服卧具象馬車乘輦輶聚落城郭

男女妻妾及諸眷屬皮肉骨血手足耳目鼻舌及頭盡求索故大婆羅門我爲汝支助成汝檀波羅蜜乃至助成般若波羅蜜大婆羅門汝行菩提時我當如是助成六波羅蜜乃至汝達菩提令我得聲聞處受持八萬部法真爲法師汝當授我阿耨多羅三藐三菩提記善男子大悲婆羅門聞彼語訖五體禮

寶藏如來足已語彼壞想邪命言善哉善哉善丈夫汝爲我無上友汝乃能爲我於無量阿僧祇那由他百千衆生處從乞衣服乃至頭目故我當歡喜淨心施與令汝求無罪分善男子時彼大悲菩薩摩訶薩復白寶藏如來言世尊若我在所生處於無量阿僧祇億那由他百千劫中行阿耨多羅三藐三菩提行時其有住我前行從我求食或以輕言或以鹿言或輕調言或正直言從我求索世尊若我於求者所一念之須若生瞋恚不愛敬心施求果報如是施者令我永已不見十

方無量阿僧祇餘世界中現在住世說法諸佛令我不成阿耨多羅三藐三菩提世尊我以淨心施與乞士若受施者於信施墮障礙善法乃至佢毛億分一者令我永已不見諸佛世尊受施者乃至毛億分之一障善法者令我墮阿鼻地獄中如施飲食衣服亦尔乃

駒八

十八

至乞者從我求頭或以輕語或以鹿語或輕弄語或以正直語從我索頭世尊若我於求者所有一念頃若生瞋恚不愛敬心願求果者今我永已不見諸佛世尊乃至令我入阿鼻地獄如我行施戒亦如是乃至慧乃至捨亦如是說善男子尔時寶藏如來讚大悲菩薩摩訶薩言善哉善哉汝善丈夫以大悲意立是妙願善男子時一切大衆天乾闥婆阿脩羅世人合掌而住讚言善哉善哉仁善丈夫以大悲意立是妙願善勝堅固仁亦以六和敬法滿足衆生善男子如壞想邪命立願受菩薩施八萬四千衆生亦立願善男子時

大悲菩薩摩訶薩聞八萬四千衆生立如是願如壞想所立生大歡喜起叉手立觀一切大衆已悲喜交集而言甚奇未曾有我當於彼窮法困弊大結散亂五濁惡世爲導師商主爲照爲燈無力無覺悟者我爲示導我乃能於初發心得此如是無上菩提行及在所

生處能受我頭眼耳鼻舌手足血肉皮骨乃至受我飲食善男子時彼大悲菩薩摩訶薩還坐寶藏如來前白佛言世尊我在所生處無量阿僧祇那由他百千劫中其有求索來至我所從我受施若食若飲乃至受頭從我手中受施乃至拏毛億分之一者乃至菩提

駒八

十九

際若我逮菩提已從生死中不脫彼衆生不授彼聲聞乘辟支佛乘大乘記者令我求已不見現在十方諸佛世尊令我不逮阿耨多羅三藐三菩提善男子寶藏如來復歎彼大悲菩薩摩訶薩言善哉善哉善丈夫汝菩提行願如是如持彌樓山如來先勸發心於世

自在明如來前立如是菩提行願如是行菩提行立願以來過恒河沙數大劫彼大丈夫於東方億百千佛土最在邊持熾然世界百歲世人中成阿耨多羅三藐三菩提号智華無塵上勝菩提自在如來應供正遍知乃至佛世尊四十五年具作佛事已入無餘涅槃大悲時彼智華無塵上勝菩提自在如來般涅槃後正法眼住千歲正法滅後像法亦住千歲大悲又彼智華無塵上勝菩提自在如來般涅槃後正法眼時復於像法比丘比丘尼破戒惡法行邪非行無慚無愧毀供養法無有慚愧斷截四方僧及現前僧衣服飲食卧具湯藥種種供具而自入若自食若與俗人大悲時彼智華無塵上勝菩提自在如來先授彼一切三乘記大悲其有衆生於彼如來法中著染袈裟者先授彼一切三乘不退轉記其有犯根罪比丘比丘尼優婆塞優婆夷先於彼如來有師事者善根故亦授三

乘不退轉記善男子大悲菩薩摩訶薩重白寶藏如來言世尊我如是立願乃至隨我幾數時行無上菩提行無上菩提行所勸化衆生於檀波羅蜜以善勸化衆生乃至毛億分之一修行乃至菩提際不令彼衆生住三乘地不退轉乃遺一人者令我求已不見十方無量阿僧祇世界中現在住世說法諸佛令我不成阿耨多羅三藐三菩提世尊我得無上智已其有衆生於我法中著染袈裟者若犯根罪若因諸見於三寶失犯衆過罪比丘比丘尼優婆塞優婆夷有於我所能一念頃發師事想生恭敬心若於法僧起恭敬意者

駒八

二十

世尊我若不授彼衆生三乘不退轉記遺一人者令我求已不見諸佛世尊乃至不成阿耨多羅三藐三菩提世尊我逮菩提已令染服袈裟爲天世人之所尊重恭敬供養其有衆生得見袈裟者今於三乘得不退轉其有衆生飢渴所逼乏無飲食若夜又貧窮若人

貧窮若於餓鬼其餓鬼衆生得染袈裟乃至四指令彼一切所求飲食隨意充滿其有衆生不相和順多饑愁疾共相鬪戰若天若夜叉若羅刹龍阿脩羅迦樓羅緊那羅摩睺羅伽鳩槃荼毗舍遮及餘世人交陣鬪時能念袈裟者令彼衆生得悲心軟心無恐心淨心隨用作心衆生若於鬪戰若於諍訟爲護身故尊重恭敬供養袈裟常持自隨者令彼衆生所在常勝無能陵者從鬪戰諍訟安隱解脫世尊若我袈裟不具此五聖德者令我求已不見十方諸佛世尊乃至令我不能具作佛事令我諸法悉皆忘失令我不能降伏異學善男子尔時寶藏如來伸右臂以手摩大悲菩薩頂告言善哉善哉丈夫所願甚善辯才妙勝善丈夫如是汝逮菩提已染眼袈裟有此五聖德饒益衆生善男子時大悲菩薩彼以受記善哉善哉歡喜踊躍以如來百福莊嚴柔軟右手綬綿長指觸之還成童子如

年二十善男子尔時一切大眾天乾闥婆阿脩羅世人還叉手住敬事供養大悲菩薩摩訶薩以華香乃至音樂供養大悲菩薩摩訶薩以妙偈讚已就坐

大乘大悲分陀利經卷第六

二十一

駒八

瘞十中反疫病也淵烏懸反深泉也葦葦竹紓草也反蓋冤反蓋縱廣上足橫骨反臂反骨也皆娛音愚也肘知柳反臂節骨也鉉昌反飾也輦舉上力疾反步挽車也下余一尺二十寸云車無輪曰一杆先

一 繩網上莫官反謂

手如繩掌也

大乘大悲分陀利經卷第七

駒九

失譯師名附秦錄

莊嚴品第二十二

善男子爾時大悲菩薩摩訶薩五體禮寶藏如來足已還坐如來前問寶藏如來言世尊說菩薩道決定三昧門淨資用法門世尊云

蘇潤

何得滿三昧門淨資用法門世尊善男子善女人具何資用得住堅固以何決定三昧門而自莊嚴善男子彼時寶藏如來應供正遍知告大悲菩薩言善哉善哉大悲所問甚善祇菩薩摩訶薩故出現又汝大悲乃能問於汝才極妙又汝大悲能為饒益多無量阿僧祇

如來如斯之義是故汝大悲善聽吾當為汝分別說之大悲求大乘善男子有三昧名首楞嚴菩薩住是三昧者能入諸三昧有三昧名寶印能印諸三昧有三昧名師子遊戲能遊戲諸三昧妙月三昧能照諸三昧如淨月幢勝三昧能持諸三昧幢諸法勇出三昧能

踊出諸三昧觀頂三昧能觀諸三昧頂菩薩住畢法性三昧能決定諸法性畢幢勝三昧能持諸三昧幢金剛三昧能破諸三昧入法印三昧能印諸法三昧王善住三昧能住諸三昧如王住放光三昧能放諸三昧光力進三昧能進諸三昧力踊出三昧能踊出諸三